

Transkription von Urkunde SAW 1359a

Ort, Datierung: Salzwedel, 1359-12-18

Signatur: Stadtarchiv Salzwedel, 93/23

Inhalt: Gebrüder Wittorp: Zinsverkauf

Wý zegheband . vnde Johan Bruder gheheten van wýttorp knapen / bekennen vn(de) betughen
openbare In dessem breue dat wý mýt / ghanser wulbort otten van wýttorp(e) vses bruders . hebben
verla/ten vn(de) verlaten In dessem yeghenwerdeghe breue . alle dat . dat / wý hebben ghehad wente
an desse týd . an tynze . an ghulde . an / voghedýe . an Rýchte . vn(de) wurane wý dat ghehad hebben .
In dem / Dorpe thu lutteken nýendorpe dat lýd bý dem huse tu wertbeke¹ / thu sunte Joh(ann)is altare
de vnsen heren dofte . dat lýd thu soltwed(el) / In vser vrowen kerke . vn(de) thu des p(re)sters hand
vn(de) nýt . de thu / deme altare beleened is van den ghýldemestern der wantsnýder thu / soltwedel .
vn(de) thu des hand vn(de) nýt de hir na van en mach beleened / werden thu dem suluen altare . also
dat wý In dem vorbenumeden / dorp(e) . Noch In velde des suluen dorpes Degher nýcht beholden . , /
Dar vor sýn vs ghegheuen vn(de) betaled . twe vn(de) twýntých mark / luneborgher pe(n)ni(n)ghe . de
wý In vse nýt ghekered hebben . De / tughe desser dýnk sýn de acbare(n) lude . her otte van
Dannenb(er)ghe / vse om . vn(de) clawes ghodscalk borgher thu soltwed(el) . vn(de) vele ander /
bederuer lude Thu ener grotter betughýnghe desser dýnk . heb/be wý vse Inghezeghele laten henghen
an dessen brýf . mýt vser wýs/schop . ok bekenne ýk otte van wýttorp(e) knape . dat ýk dorch bede /
wýlle mýner vorbenumeden bruder . mýn Inghezeghel hebbe hen/ghen laten an dessen brýf . thu ener
wullenkomener betughenisze / desser vorbescreuenen dýnk . Gegheuen na godes bord
drýtteýnhu(n)/derd Jar . dar na In dem neghen vn(de) výtýghesten Jare . des mýd/wekes vor sunte
thomas daghe des hilghen apostels /

¹ von “dat ... wertbeke” unterstrichen